

Disionáriu Tetun Nian ba Relatoriu
Komprende Komunitade: Seguransa no Sustentabilidade
iha Aldeia haat iha Timor-Leste
Relatoriu ida husi RMIT University



Obrigado barak ba Aniceta Rosa F. Grenfell, Alex Stott no Señor Noronha.



Konaba Disionariu ida ne'e

Disionariu ki'ik ida-ne'e ami halo hodi azuda ema lee relatoriu Komprende Komunidade. Ema ida ne'ebe hela iha Dili no uza Tetun iha nia moris loro-loron mak kria lista liafuan ida-ne'e. Ami halo disionariu ne'e ketak depois ema bele le'e relatoriu no uza disionariu dala ida deit.

Iha liafuan balun ne'ebe marka ho simbolu *, ida ne'e arti katak definisaun husi *Disionariu Nasional ba Tetun Oficial*. Iha mos liafuan balun ne'ebe ninia definisaun la hetan iha *Disionariu Nasional ba Tetun Oficial*. Liafuan sira-ne'e ami foti hosi listas iha *Matadalan Ortografiku Ba Tetun Oficial*, no ami koko hakerek ninia definisaun. Dala ruma atu hodi kria definisaun ami haree ba liafuan Portugés, depois mak trad ús filafali ba Tetun. Tanba ida-ne'e ami komprende katak disionariu ida-ne'e karik la tuir sistema profesional hanesan disionariu bo'ot, maibe ami espera katak ne'e bele azuda explika liafuan Tetun balun ne'ebe ass ka ema ladun uza loro-loron.

Abreviatura

SIN. sinónimu (lifuan ho arti ka signifikadu hanesan de'it).

f. femininu, fetok

Gramátiku

Adjetivu: Liafuan ne'ebé hato'o substantivu ka naran ida nia kondisuan ka estadu, nu'udar examplu, *furak, mean, aas, manas, nst.*

Advérbiu: Liafuan ida ne'ebé aumenta infromasaun ruma kona-ba verbu, adjetivu ka advérbiu se;uk hodi hato'o oinsá, bainhira no iha ne'ebé maka buat ruma akontese.

Interjeisaun: Liafuan ida ne'ebé ema uza, baibain ho lian maka'as hodi espresa emosaun ruma hanesan hakfodak, hirus ka ta'uk, n.e. *Amadeus! Haluha rai! Ne'e ka?*

Prepozisaun: Liafuan ida ne'ebé hatudu ligasaun entre substantive ka pronome rua.

Substantivu: Iha gramatika, lifuan ida ne'ebé ida uza nu'udar ema, balada, fatin ka buat seluk nia naran.

Verbu: Liafuan ne'ebé hato'o hahalok ka kondisaun ruma, n.e. *halai, semo, toba, hemu, tanis, haluha.*

About this dictionary

This list of words was made to assist with the reading of the Tetun version of the Understanding Community Report. The list has been compiled by a Dili-based Tetun speaker that uses Tetun as the primary language in day-to-day communications. The dictionary has been made separately so that the reader can use it easily as they read through the Understanding Community report.

Where words are marked with an *, these definitions have been drawn from the *Disionariu Nasional ba Tetun Oficial*. Where there was no definition for a word in the 'Disionariu Nasional ba Tetun Oficial', the words have generally being drawn from the word lists in *Matadalan Ortografiku Ba Tetun Oficial*, though as they have no definitions we have attempted some definitions here. At times this has meant moving from the Portuguese equivalent and translating that back into Tetun. As such we understand that the dictionary may well be less than technically perfect however we hope that it assists readers with Tetun words that may not be commonly used or known.

-
- Foto iha pagina primeru husi Venilale iha 2007.
 - The Photo on the front page is from Venilale in 2007.

| | |
|----------------------|---|
| Abastesimentu | <i>substantivu:</i> Hahalok abastese ka fornese; hafó. SIN. Fornesimentu. |
| Abstrata/u | <i>substantivu:</i> Buat ne'ebé ita konsidera eziste de'it iha domíniu hanoin nian no laiha baze materiál. |
| Aderénsia | <i>substantivu:</i> Hahalok ka efeitu tuir ka fó an ba buat ruma. Ez. Aderénsia ba partidu. |
| Afeta | <i>verbu:</i> Influensia ka muda ema ka buat ruma. SIN. Hamkona, influensia. |
| Afetadu | <i>adjetivu:</i> Kondisaun ema ka buat ruma ne'ebé hetan influénsia. |
| Afinidade | <i>substantivu:</i> Ligasaun jurídika entre la'en no feen no ida-idak nia família maluk sira. |
| Agrikola * | <i>adjetivu:</i> Ne'ebé relasiona ba agrikultura ka kuda-rai. |
| Akollimentu | <i>substantivu:</i> Hahalok ka efeitu simu ema ka buat ruma; fó ospitalidade. |
| Akomodasaun | <i>substantivu:</i> 1. Hahalok ka efeitu hatoman an. 2. Alojamentu; toba-fatin. |
| Akordu * | <i>substantivu:</i> Hahalok hatán malu, dehan nune'e kona-ba buat ruma. SIN. Lia-kotun. |
| Aliansa * | <i>substantivu:</i> 1. Lalibur ka uniaun entre ema, klibur ka partidu rua ka liu. SIN. Moruk. 2. Kadeli kabén nian. |
| Alimentár * | <i>adjetivu:</i> Ne'ebé refere ba alimentu ka ai-han. |
| Alkansa * | <i>verbu:</i> Konsege to'o ba (Fatin ka hahirak ida). |
| Alkatraun | <i>substantivu:</i> Been kantál metan ida, iis maka'as, halo husi material Orgánika, hanesan ai, ne'ebé uzu hodi halo lurón kabeer no metin. SIN. Asfaltu. |
| Alternánsia * | <i>substantivu:</i> Hahalok ha efeitu troka-malu nian. |
| Altitude * | <i>substantivu:</i> Foho ka aviaun nakfati ass hira loos hosi rai. |
| Ámbitu | <i>substantivu:</i> Esfera; kontestu. |
| Amostra * | <i>substantivu:</i> 1. Ezemplu ida de'it hosi buat ida ne'ebé iha. Objetu ida ne'ebé ita bele sosa. 2. Banati ba suku hatais. |
| Analfabetizmu | <i>substantivu:</i> 1. Kondisaun lahatene alfabetu. 2. Falta formasaun; ignoránsia. |
| Ángulu | <i>substantivu:</i> 1. Lidun; sikun. 2. (jeometria) Figura ne'ebé forma hosi liña rua ho hun hanesan. 3. (<i>Arti figuradu</i>) Pontudevista; perspetiva. |
| Antesedente | <i>adjetivu:</i> Ne'ebé mai ka akontese iha tempu liu tiha ona. <i>substantivu:</i> Hahalok ka sirkunstánsia uluk nian. |

| | |
|-------------------------------------|--|
| Anúnsiu * | <i>substantivu:</i> 1. Lia ne'ebé iha fó sai, liu-liu ba pùbliku. 2. Lia- tatoli ne'ebé ita publika iha jornál laran, ka liuhosi rádiu ka televizaun. |
| Apezarde * | <i>prepozisaun:</i> Maski iha..., maski iha problema kona-ba... |
| Apropriadu * | <i>adjetivu:</i> Ne'ebé natoon ka serve ba situasaun ka kazu partikulár ida. |
| Aprosimadu | <i>adjetivu:</i> Besik. |
| Arkitetura * | <i>substantivu:</i> Arte no siénsia kona-ba dezeña uma no hariin oioin. |
| Armamentu * | <i>substantivu:</i> 1. Hahalok fó arma ba ema atu uza. 2. Arma oioin, liuliu funu nian. |
| Autoridade * | <i>substantivu:</i> Kbiit no direitu atu ukun, manda ka halo ema seluk halo tuir ita. |
| Asesibilidade * | <i>substantivu:</i> Fasilidade ba asesu; fasilidade atu hetan buat ruma. |
| Asesivel * | <i>adjetivu:</i> Ne'ebé bele to'o ba ka hetan lailais. SIN. To'o-belek, alkansavel. |
| Asesu | <i>substantivu:</i> 1: Hahalok ka efeitu atu to'o ba. 2: Entrada ka tama-fatin. |
| Atuál * | <i>adjetivu:</i> Daudaun nian. SIN. Daudauk. |
| Autokonxiente | <i>adjetivu:</i> 1. Ne'ebé iha konziénsia ba nia an rasik 2. Ne'ebé hatene saida maka nia halo. |
| Autoridade * | <i>substantivu:</i> Kbiit no direitu atu ukun, manda ka halo ema ema seluk halo tuir ita. |
| Balansu | <i>substantivu:</i> Haktuir ka relatóriu kona-ba konta sira, liuliu loja ka Empreza ninian. |
| Báziku * Bázika f. | <i>adjetivu:</i> Baze nian, hun nian; ne'ebé serve nu'udar baze ka hun. SIN. Fundamental. |
| Belek * | <i>adjetivu:</i> Ne'ebé bele mosu ka akontese. SIN. Posivel. |
| Benefísio * | <i>substantivu:</i> Di'ak ne'ebé ema simu, liu liu hosi ema seluk ne'ebé laran-luak no tulun saugati ema seluk. |
| Bisemanál | <i>adjetivu:</i> Ne'ebé akontese ka publika dala rua semana ida laran. |
| Brinkedu * | <i>substantivu:</i> Buat ba halimar ne'ebé ema fó ba labarik. SIN. Boneka, ai-halimar. |
| Dadook | <i>substantivu:</i> Dook hira loos hosi fatin ida. SIN. Distánsia. |
| Dalas * | <i>substantivu:</i> 1. Balun ida ne'ebé latan iha balun seluk nia leten. SIN. Kamada 2. Jerasaun, oan-lubun. |
| Defaktu | <i>substantivu:</i> Buat ne'ebé iha duni ka réal; tebes duni. |
| Defeitu * | <i>substantivu:</i> Ema ka buat ida nia aat naturál ida. SIN. Kamerik. |
| Define | <i>verbu:</i> 1. Fó defínisaun ba. 2. Esplika signifíkadu buat ida nian. 3. Determina laluan ka limite ba buat ruma. 4. Deside. |

| | |
|-------------------------|--|
| Definidu | <i>adjetivu:</i> Buat ne'ebé define tiha ona. |
| Dejenerasaun | <i>substantivu f.:</i> 1. Hahalok ka efeitu kona-ba buat ida lakon maizumenus nia kualidade original. 2. Sai aat liu. |
| Dékada | <i>substantivu:</i> Tinan sanulu hamotuk. |
| Demografia | <i>substantivu f.:</i> Estudu kona-ba populasaun ema nian, la'ós de'it kona-ba ema hira mak iha maibé mós kona-ba fenómenu sira ne'ebé influensia número ne'e. |
| Densidade | <i>substantivu:</i> Kuantidade ne'ebé iha tuir unidade naruk, superfisie ka volume. Ez. <i>Densidade populasionál</i> katak número ema hira ne'ebé iha iha unidade superfisie ida iha rai laran. Ez. Timor-Leste iha ema na'in 69 ba Km ² ida-idak iha rai laran. |
| Densu | <i>adjetivu:</i> Ne'ebé iha densidade boot. |
| Dependénsia | <i>substantivu f.:</i> <i>Kondisaun depende ba buat ka ema ruma</i> 2. Falta autonomia, maturidade ka independénsia. SIN. Hakno'an. |
| Deskontamentu | <i>substantivu:</i> Kondisaun laiha laran-ksolok; laran-kraik. |
| Destruisaun | <i>substantivu:</i> 1. Hahalok ka efeitu harahun nian. 2. Hahalok ka efeitu halakon atu labele iha tan. |
| Detalladu * | <i>adjetivu:</i> Kondisaun iha detalle. |
| Detalle * | <i>substantivu:</i> 1. Informasaun ida kona-ba buat ka ema. 2. Buat nia feitiu ka elementu ida. |
| Devia | <i>verbu:</i> 1. Iha obrigasaun atu... 2. Tenke fó ka halo. 3. Tenke. |
| Divizaun | <i>substantivu f.:</i> Hahalok ka efeitu fahe nian SIN. Fafahek. |
| Dexendente | <i>adjetivu:</i> Ne'ebé tun. <i>substantivu:</i> Ema ida ne'ebé moris nu'udar jersaun foun hosi aman-inan no bei'ala sira. |
| Dezagrega | <i>verbu:</i> Haketak parte sira ne'ebé hamutuk iha lubuk ida(agregadu). |
| Dezagregadu | <i>adjetivu:</i> Ne'ebé dezagrega tiha ona. |
| Dezagregasaun | <i>substantivu f.:</i> Separasaun lubuk ida ba ninia parte sira. |
| Deznesesáriu | <i>adjetivu:</i> Ne'ebé la'ós nesésáriu, la presiza. LIAFUAN-SORUN. Nesésáriu. |
| Dezorden * | <i>substantivu:</i> Buat hotu – hotu sai hosi nia fatin, buat hotu sabraut. SIN. Runguranga, porkaria. |
| Diagnoze * | <i>substantivu:</i> (<i>Medisina</i>) – Identifikasaun ba moras sira liuhosi haree sira-nia sintoma. |
| Diagnóstiku | <i>substantivu:</i> 1. Atu iha koñesimentu ba buat ruma liuhosi sinál balu. |
| Diagnostika * f. | 2. (<i>Medisina</i>) Determinasaun no koñesimentu kona-ba moras ida liuhosi estuda ninia sintoma no ezame ne'ebé halo tiha ona. |
| Dilema | <i>substantivu:</i> Problema difisil ida ne'ebé hatudu solusaun rua dei't, ita lahatene atu hili ida-ne'ebé loos tanba solusaun rua hotu bele aat. |

| | |
|------------------------|--|
| Dimensaun | <i>substantivu f.:</i> 1. Tamañu ne'ebé bainhira asosia ba medida seluk define espasu ida 2. Medida, tamañu, volume. 3. Importánsia, valór. 4. (<i>Arti figuradu</i>) Komponente partikulár hosi buat ne'ebé réal ka pensamentu nian. |
| Dinámika | <i>substantivu f.:</i> 1. (<i>Fizika</i>) Parte mekánika nian ne'ebé estuda relasaun entre forsa sira no movimentu ne'ebé sira prodús. 2. (<i>Psikolojia</i>) Estudu kona-ba oinsá asaun hosi fenómenu inkonxiente sira hamkona komportamentu umanu. |
| Disponivel * | <i>adjetivu:</i> 1. (Buat ka ema) Ne'ebé bele hetan lasusar. SIN. Hola- belek. 2. (Ema) Ne'ebé pruntu atu simu ka tulun ema seluseluk. |
| Distinge | <i>verbu:</i> Identifika, rekoñese ka haree-hetan diferensa entre ema ka buat. |
| Distinsaun | <i>substantivu f.:</i> Hahalok ka efeitu identifika katak buat rua la hanesan. |
| Diversidade * | <i>substantivu:</i> 1. Kualidade ka feisaun oioin hamutuk. 2. Kualidade lahanesan. |
| Dominante | <i>adjetivu:</i> 1. Ne'ebé domina; 2. Pinsipál; 3. Pedominante. |
| Domíniu * | <i>substantivu:</i> 1. Ukun. 2. Jeitu ka matenek. 3. Esfera asaun nian. |
| Durabilidade | <i>substantivu f.:</i> Kualidade kona-ba buat ida ne'ebé bele dura. |
| Edifisiu * | <i>substantivu:</i> Fatin ka uma ida ne'ebé ema uza hanesan serbisu-fatin ka hela-fatin. SIN. Uma, hariin. |
| Efeitu * | <i>substantivu:</i> Letra F nia naran: 1. Mudansa ka reasaun ne'ebé buat ruma hamosu. 2. Impresaun jerál ne'ebé ema ka buat ruma hamosu. |
| Efetivamente | <i>advérbiu:</i> 1. Ho efeitu. 2. Ne'ebé tebes duni. |
| Ekipamentu | <i>substantivu:</i> Sasán lubuk ne'ebé presiza atu hala'o atividade ruma. |
| Eleitu | <i>adjetivu:</i> Buat ka ema ne'ebé hili tiha liuhosi eleisaun. |
| Eletrisista | <i>substantivu:</i> Badain ida ne'ebé monta no hadi'a sasán elétriku, liuliu ahi elétriku. |
| Embora * | <i>konjunksaun:</i> Liafuan ne'ebé hatama orasaun temi kona-ba situasaun ne'ebé la hanesan ita hanoin ka hein. SIN. maski, biar, mézmuke. <i>interjeisaun:</i> Sai hosi ne'e! |
| Enkorajamentu * | <i>substantivu:</i> Hahalok enkoraja ka fó aten-barani ba ema ruma atu bá oin. |
| Enkuadramentu | <i>substantivu:</i> 1. Hahalok ka efeitu integra ba meu ka kontestu ida. 2. Sirkunstánsia sira ne'ebé haleu asaun ida; kontestu ne'ebé buat ida tama ba. |
| Énfaze * | <i>substantivu:</i> 1. Maneira-ko'alia ne'ebé ezajeradu, hodi hasa'e lian no uza liafuan boot. 2. Importánsia boot ne'ebé ita fó ba buat ruma hodi ko'alia. SIN. Halosun. |

| | |
|-------------------------|---|
| Enfoke * | <i>substantivu:</i> Nu'un ka maneira atu hakbesik ba lia ka problema ruma (Liafuan ne' e han malu ho anglisizmu 'approach' ne'ebé ema balu uza ona). |
| Esklui * | <i>verbu:</i> Hasai ba li'ur, la hatama. |
| Eskluzivu * | <i>adjetivu:</i> 1. Ne'ebé esklui. 2. (Klube ka klibur) Ne'ebé ba ema spesífiku, hanesan ba mane de'it no feto labele tama ka kontráriu. |
| Espetru | <i>substantivu:</i> 1. Alkanse. 2. Aplikasaun. |
| Espesífiku * | <i>adjetivu:</i> Loloos kona-ba buat ida. LIAFUAN-SORUN. |
| Espesífika f. | |
| Espontáneu | <i>adjetivu:</i> 1. Ne'ebé la mosu ka la halo ho hanoin uluk; ne'ebé mosu , ka ita halo, derrepente de'it. 2. (Ema) Ne'ebé neon lataka, ko'alia lalais no la subar nia hanoin. |
| Espontánea f. | |
| Estabelese * | <i>verbu:</i> 1. Hari ka hahú organizaun ka sistema ruma. 2. Buka-hatene lolos; prova katak buat ruma loos. |
| Estatística * | <i>substantivu:</i> Faktu sira ne'ebé hetan liuhosi analiza dadus hirak ne'ebé iha no hato'o ho sifra ka número sira. |
| Esterna | <i>adjetivu f.:</i> 1. Ne'ebé iha parte li'ur; esteriór. 2. Hosi rai estranjeiru. |
| Estimulante * | <i>adjetivu:</i> 1. Ne'ebé estimula. 2. Ne'ebé hamoris ema nia interese. |
| Estraordináriu * | <i>adjetivu:</i> Labaibain liu, seluk liu kedas. |
| Evakuasaun | <i>substantivu f.:</i> 1. Hahalok ka efeitu sai nian. 2. Hahalok sees hosi edifisiu ka área ida, liuliu iha situasaun emerjénsia. |
| Eventualmente * | <i>advérbiu:</i> Ne'ebé akontese ho maneira eventuál ka akontese porakazu. |
| Evidénsia * | <i>advérbiu:</i> Kualidade evidente nian; nosaun klaru. |
| Exertu | <i>adjetivu:</i> Ne'ebé hasai tiha hosi hosi fatin ka buat ruma. <i>substantivu:</i> Trexu. |
| Exesaun * | <i>substantivu:</i> Ema ka buat ruma ne'ebé la inklui iha hahesuk ka regra jerál ruma. |
| Exesional * | <i>adjetivu:</i> Ne'ebé iha exesaun; labaibain, estraordináriu. |
| Exetu * | <i>prepozisaun:</i> 1. La inklui, la sura hotu, la kona. 2. Maibé la'ós. |
| Fafahek * | <i>substantivu:</i> Hahalok fahe nian. |
| Fallansu | <i>substantivu:</i> efeitu falla nian; la hetan susesu. LIAFUAN-SORUN. Susesu. |
| Falisá * | <i>konjunksaun:</i> Tan, tanba, enkuantu, komu. |
| Favoravel * | <i>adjetivu:</i> Ne'ebé bele tulun ka fó kadi'ak ka benefisiu ho dalan ruma. |
| Fenómenu * | <i>substantivu:</i> Buat ne'ebé iha ka mosu, liuliu buat ne'ebé foun ka seluk liu haree hosi pontudevista sientífiku; nu'udar ezemplu rai-nakdoko, tasi-nakdoko (tsunami), fitun-suar ka movimentu sosiál foun. |
| Finanseiru * | <i>adjetivu:</i> Finansas nian, kona-ba osan. |

| | |
|-------------------------|---|
| Finanseira f. | <i>substantive:</i> Ema ida ne'ebé matenek finansas no mós hatene habarak osan. |
| Fleksibilidade * | <i>substantivu:</i> kualidade fleksivel nian; kapasidade atu ajusta ba situasaun oioin. |
| Fornese * | <i>verbu:</i> Haraik buat ruma atu ema ne'ebé simu tiha bele uza bainhira presiza. SIN. Hafó. |
| Frajilidade | <i>substantivu f. :</i> 1. Kualidade hosi buat ne'ebé frájlil ka ladún reziste. 2. Fakeza fizika. 3. Tendénsia atu hakru'uk fasil ba ema seluk nia hakarak; frakeza. 4. Falta konsisténsia; instabilidade. 5. Kualidade la metin. |
| Frekuente | <i>adjetivu:</i> Ne'ebé akontese dala barak; ne'ebé mosu ba beibeik. |
| Fundamentál * | <i>adjetivu:</i> Importante tanba buat ruma nia hun. SIN. Báziku, esensiál. |
| Funerál | <i>substantivu:</i> Serimónia atu hakoi ema ne'ebé mate (iha tradisaun Sarani), ka sunu nia isin (iha tradisaun la'ós sarani). |
| Graduál | <i>adjetivu:</i> Akontese ka mosu neineik ba período naruk ida. |
| Habekan * | <i>verbu:</i> 1. Halo sai bekan ka mamuk. SIN. Hamamuk. 2. (<i>Arti figuradu</i>) Halo atu la konsege, halo atu la hetan susesu ka rezultadu di'ak. SIN. Hamamuk. |
| Hahesuk * | <i>substantivu:</i> Hahalok hesuk nian. SIN. Afirmaun. deklarasaun, hahetok. |
| Hahilik * | <i>substantivu:</i> Hahalok hili nian. SIN. Eleisaun. |
| Hahusuk * | <i>substantivu:</i> 1. Hahalok husu nian. 2. Liafuan husu nian. SIN. lia-husu, pergunta 3. Buat ne'ebé ita ható'o ho intensaun atu hetan fali nia hatán. SIN. pedidu |
| Hakdalan * | <i>verbu:</i> Tuir dalan ba to'o-fatin, halo viajen; lemo rai. SIN. Viaja. <i>substantivu:</i> Hakdalan nian. LIAFUAN-SORUN:Viajen. |
| Haklalin * | <i>verbu:</i> Troka malu. <i>substantivu:</i> Hahalok haklalin nian. |
| Haklatar | <i>verbu:</i> tau iha orden, halatar ka hakadak tuir orden ka lójika. SIN. Arranja, organiza. |
| Haklorek * | <i>verbu:</i> Hahesuk ka dehan sai, la buka atu taka ka subar. SIN. deklara. Hakn'oak Sadere ba. |
| Hakno'a * | <i>verbu:</i> Sadere ba. |
| Haktenik | <i>verbu:</i> Dehan ka halo filafali. SIN. Repete. |
| Halik * | <i>adjetivu:</i> 1. Ne'ebé ita hali tiha ona. 2. Ne'ebé susar atu komprende ka trata tamba iha elementu ka aspetu barak. SIN. Kompleksu, komplikadu. |
| Haloken | <i>substantivu:</i> Hahalok haloken nian ka buat ne'ebé ita halo ke. SIN. Deskoberta; revelasaun. |
| Hama'e | <i>verbu:</i> SIN. Dezenvolve. |
| Hamkadak * | <i>verbu:</i> Hala'o ka haloos tuir regra ka banati. SIN. Regula. |

| | |
|---|---|
| Hakmulik | <i>verbu:</i> La hatama ka la inklui SIN. Omite. |
| Handii | <i>verbu:</i> ba haree ema ka fatin ruma SIN. Vizita. |
| Hanetik | <i>verbu:</i> Tau kanetik ka obstákulu ba, la husik atu mosu ka halo SIN. Hatau; prevene. |
| Haninu * | <i>verbu:</i> 1. Hateke ba sorin-sorin, hodi haree saida mak akontese. 2. Hateke ba buat ruma ka ema ruma iha tempu balu nia laran. |
| Haninun * | <i>substantivu:</i> Hahalok haninu nian. SIN. Observasaun. |
| Hasirin | <i>verbu:</i> Tulun hodi satan perigu. SIN. Proteje. <i>substantivu:</i> Hahalok hasirin nian. |
| Homan | <i>verbu:</i> Hatama tahan ida-ida ba tahan sira be latan ona (nuu-tahan, akadiru- tahan, kabas, nst.). |
| Ignora * | <i>verbu:</i> Lakohi haree; finje la haree; taka matan ba. |
| Imediatu Imediata f. | <i>adjetivu:</i> 1. Ne'ebé tenke hala'o kedas no la bele hein tan. SIN. Kedak. |
| Implementa | <i>substantivu:</i> Hala'o planu orden ka lei ida. |
| Implísitu Implísita f. | <i>adjetivu:</i> Ne'ebé ita bele hetan iha laran, maski la mosu iha li'ur. |
| Imposivel * | <i>adjetivu:</i> Ne'ebé la bele akontese ka la bele hala'o. SIN. Labelek. |
| Imprensa | <i>substantivu:</i> 1. Fatin ida atu imprime livru ka dokumentu sira. 2. Klibur ka sosiedade komersiál ne'ebé publika jornál. 3. Indústria jornalizmu; jornalista sira. |
| Impresaun * | <i>substantivu:</i> 1. Buat ida ne'ebé ita imprime. SIN. Hatuin. 2. Tadak ka marka hosi buat ida ne'ebé hanehan. SIN. Hanehan-fatin. 3. Ema nia hanoin ka opiniaun kona-ba buat foun ida. |
| Indíjena | <i>adjetivu:</i> ne'ebé rai-na'in kedas. SIN. Kahorik. <i>Substantivu:</i> Ema ka mahorik loloos iha fatin ida, la'ós malae. SIN. Ema rai-na'in, ema kahorik, nativu. |
| Indika * | <i>verbu:</i> 1. Hatudu ka aponta ba diresaun ida. 2. Fó hatene. |
| Indikadór | <i>adjetivu:</i> Ne'ebé hatudu ka indika buat ruma. <i>Substantivu:</i> 1. Buat ka ema ida ne'ebé indika. 2. Buat ne'ebé serve nu'udar indikasaun ka informasaun. |
| Indikasaun | <i>substantivu:</i> 1. Hahalok ka efeitu indika nian. 2. Informasaun kona-ba buat ka ema ida. 3. Sinál; indikadór. |
| Inisiál * | <i>adjetivu:</i> Ne'ebé hahú. SIN. Uluk. <i>substantivu:</i> Letra dahuluk ne'ebé hahú naran ka liafuan sira seluk. |

| | |
|-------------------------|--|
| Inisiativa * | <i>substantivu:</i> Abilidade atu hakotu ida ne'ebé ita presiza hala'o buat ida laho konsulta no asisténsia hosi ema seluk. |
| Infraestrutura * | <i>substantivu:</i> Sasán sira ne'ebé ema harii atu bele uza hodi hala'o atividade ka servisu oioin iha rai-laran, nu'udar ezemplu uma, ponte, telekomunikasaun, nst. |
| Inkonsisténsia | <i>substantivu f.:</i> 1. Estadu ba buat ne'ebé la konsistente; la metin ida. 2. Falta koerénsia; kontradisaun. |
| Inkonveniente | <i>adjetivu:</i> Ne'ebé la'ós konveniente. |
| Inkorpora | <i>verbu tranzitivu/intranzitivu:</i> Inklui; integra; halo parte ba. |
| Instabilidade | <i>substantivu:</i> Estadu instavel buat ida nian; falta estabilidade (finanseira, sosial ka psikolójika); frajilidade. |
| Integrál * | <i>adjetivu:</i> Ne'ebé sai ona parte importante ba buat ida. |
| Intensidade * | <i>substantivu:</i> 1. Kualidade hosi buat ne'ebé intensu. 2. Nível atividade, enerjia ka poder nian. |
| Interasaun | <i>substantivu f.:</i> 1. Asaun ba malu entre buat rua ka liu. 2. Interkámbiu komunikasaun nian ne'ebé hala'o entre ema individuál ka grupu sira. |
| Interkámbiu * | <i>substantivu:</i> Hahalok ka asaun atu troka malu. Nu'udar ezemplu, estudante hosi universidade A hala'o estájiu iha universidade B ne'ebé nia estudante mós hala'o atividade ruma iha universidade A. |
| Interpretasaun * | <i>substantivu:</i> 1. Hahalok ka efeito interpreta nian. 2. Sentidu oinsá ita komprende saida ne'ebé ita rona, lee ka haree buat ida la'o. |
| Interrompe | <i>verbu:</i> 1. Hapara ka hanetik derrepente. 2. Hapara ka atrapalla ema ne'ebé ko'alia hela. |
| Intervein | <i>verbu:</i> 1. Tama klaran. 2. Partisipa ativamente iha asaun ida. 3. Hola parte ba diskusaun ka debate; partisipa. |
| Intrazitavel | <i>adjetivu:</i> 1. Dalan ne'ebé ita labele liu. 2. Kondisaun ladi'ak (dalan, estrada). |
| Jenealójika | <i>adjetivu:</i> Ne'ebé refere ba jenealojia ka jerasaun sira ne'ebé pertensa ba familia ida. |
| Jenerosidade | <i>adjetivu:</i> Kualidade kona-ba ema nia laran-luak. |
| Jenealojia | <i>substantivu:</i> 1. Jerasaun lobuk ne'ebé pertensa ba familia ida. 2. Orijen; hun-fatin. |
| Jináziu | <i>substantivu:</i> Fatin ka uma ne'ebé ema uza ba jinástika ka desportu seluk. |
| Kamioneta * | <i>substantivu:</i> Karreta boot ba lori ka tula naha todan. |
| Kanahek * | <i>substantivu:</i> Rai nia luan ne'ebé ita hateke bá ka sukat. SIN. Área. |
| Kapeliña * | <i>substantivu:</i> Kapela ki'ikoan. |

| | |
|---|--|
| Karakter * | <i>substantivu:</i> Ema ka balada ida nia natureza ka personalidade rasik, ida ne'ebé habook ka motiva nia hahalok sira. |
| Kasukat | <i>sustantivu:</i> Ezemplu di'ak ida ba ita tuir atu halo ka aprende buat ruma. SIN. Padraun, modelu. |
| Katolisizmu * | <i>substantivu:</i> 1. Relijiaun katólika. 2. Hanorin kona-ba fiar katóliku. |
| Kestionáriu * | <i>substantivu:</i> Pergunta lista ida ne'ebé ita prenxe ka fó ba ema seluk prenxe uza atu hetan informasaun balu kona-ba lia ruma. |
| Klareza | <i>substantivu:</i> 1. Kualidade buat ne'ebé klaru. 2. Transparénsia. |
| Kletak | <i>adjetivu:</i> Ne'ebé dada ka atrai ha'u- nia intrese. SIN. Interessante. |
| Kanetik | <i>substantivu:</i> Bua ida ne'ebé hanetik ita atu la'o ba oin SIN. Buat-netik, obstákulu. |
| Koezisténsia * | <i>substantivu:</i> 1. Kondisaun eziste iha tempu hanesan, iha tempu ida de'it 2. Kondisaun fahe hori-fatin ida de'it. <i>verbu:</i> Koeziste. |
| Kolejialidade | <i>adjetivu:</i> Liafuan ne'e nia hun mak 'kolejiál'. Liafuan kolejialidade, tuir sentidu luan, signifika katak ema halibur hanesan kolega hodi foti desisaun ka hala'o buat ruma no sira idaidak nia votu ka opiniaun valór hanesan. |
| Kolleita | <i>substantivu:</i> 1. Hahalok ka efeitu ku'u produktu kuda-rai nian. 2. Produktu kuda-rai lobuk ne'ebé ku'u iha tempu ida. |
| Kombinadu | <i>adjetivu:</i> 1. Ne'ebé tau hatumuk. 2. Ne'ebé tau iha grupu ida. |
| Komérsiu * | <i>substantivu:</i> Atividade kona-ba fa'an no sosa sasán. SIN. Kontratu. |
| Kometimentu | <i>substantivu:</i> Hahalok ka efeitu halo buat ida (maibé ema barak ho sentidu alglisizmu 'commitment' nian (empeñu). |
| Komprova | <i>verbu:</i> Hatudu, konfirma. |
| Komunitáriu Komunitária f. * | <i>adjetivu:</i> Ne'ebé relasiona ho comunidade. |
| Konak | <i>adjetivu:</i> 1. Ne'ebé kona loos. SIN. Loloos, ezatu 2. Ne'ebé akontese iha tempu natoon ka conveniente SIN. Oportunu. |
| Kondensadu | <i>adjetivu:</i> 1. Ne'ebé halibur-haloot ona iha fatin ida de'it. 2. Ne'ebé hamenus tiha ona ba ninia elementu esensiál (Ez. <i>susubeen kondensadu</i> katak susubeen ne'ebé iha de'it ninia elementu esensiál no hasai ona ninia be). |
| Konfigurasaun | <i>substantivu:</i> Buat ida nia forma hosi li'ur; aspetu jerál; figura; feitiu. |
| Konfortavel | <i>adjetivu:</i> Ne'ebé fó konfortu. SIN. Kómodu. |
| Konfortu | <i>substantivu:</i> Buat ka liafuan ne'ebé bele halo ita sente laran- kmaan uitoan bainhira ita kolen ka laran-todan hela. SIN. Solok. |
| Konkista * | <i>verbu/substantivu:</i> (Hahalok) Manán buat di'ak ida (liuliu rai) liuhosi funu. |

| | |
|---|--|
| Konseitu * | <i>substantivu:</i> Ideia ka hanoin abstratu ka jerál ida. |
| Konsekuénsia * | <i>substantivu:</i> Fuan, rezultadu ka efeitu hosi hahalok ka asaun ida. |
| Konsellu * | <i>substantivu:</i> Hanoin matenek no serve ne'ebé ita fó ba ema seluk atu tulun nia halo desizaun di'ak ka resolve problema ruma. SIN. Haknoik. |
| Konsistente | <i>adjetivu:</i> 1. Ne'ebé sólidu. 2. Konstante; estavel; koerente; iha kredibilidade. |
| Konstante * | <i>adjetivu:</i> 1. Ne'ebé nafatin nian, ne'ebé lapara. SIN. Lapara, nakfatik. 2. (Ema) Ne'ebé ita bele fiar bá tanba sériu no la muda derrepente nia hanoin ka komportamentu. |
| Konstrusaun | <i>substantivu:</i> Maneira konstrui uma, ponte ka projetu ida ne'ebé Ema haii. SIN. Hariin. |
| Kontajiozu Kontajioza f. | <i>adjetivu:</i> Ne'ebé bele hada'et moras lailais ba ema seluk. |
| Kontemporánea * f. | <i>adjetivu:</i> 1. Ne'ebé mosu iha tempu hanesan. 2. Ne'ebé mosu iha ita-nia tempu. |
| Kontestasaun * | <i>substantivu:</i> SIN. Sasakar. |
| Kontraplakadu | <i>substantivu:</i> 1. Plaka ai ne'ebé taka ba ai seluk ho kualidade ladún di'ak atu halo oin-furak. 2. Ai-kabelak tahan lobuk ida ne'ebé kola ba malu hodi halo forte liu (baibain uza hanesan forru ba uma-kakuluk). |
| Kontrasta * | <i>verbu:</i> 1. Tanesan ka kompara buat rua ne'ebé la hanesan. 2. Tau rabat malu buat rua ne'ebé la hanesan ka sala malu. |
| Kontraste * | <i>substantivu:</i> 1. Efeitu tanesan ka kompara ema ka buat rua ne'ebé lahanesan hodi ida halosun ida seluk. 2. Efeitu hosi tau rabat malu buat rua ne'ebé lahanesan. |
| Kontribui * | <i>verbu:</i> Fó tulun ka buat seluk ruma ba knaar ka atividade ida ne'ebé ema seluk mak hahú. |
| Konveniente * | <i>adjetivu:</i> Ne'ebé kona loos, presta ka hatán ba ita-nia nesesidade dadaun nian. |
| Konxiénsia | <i>substantivu:</i> Estadu hadeer nian, la dukur, nune'e bele hatene saida mak akontese. |
| Konxiente * | <i>adjetivu:</i> Ne'ebé hadeer, la dukur ona, nune'e bele hatene saida mak akontese. |
| Kosmolojia | <i>Substantivu f.:</i> Ideia ka hanoin ne'ebé comunidade nia membru sira iha kona-ba universu. |
| Kozmétiku * | <i>adjetivu:</i> Kona-ba hafutar ema nia isin; atu hafurak buat ruma nia aparénsia. |
| Kozmétika f. | <i>substantivu:</i> Susbtánsia sira hanesan badaak pó, baton nst. Ne'ebé ema, liuliu feto sira, uza atu hafutar sira-nia oin ka isin. |
| Kreximentu | <i>substantivu:</i> 1. Hahalok ka efeitu sai boot. 2. Dezenvolvimentu badaudaun. 3. Aumentu. |
| Kronómetru * | <i>substantivu:</i> Aparellu ne'ebé serve atu sukat ho loloos tempu nia leet no baibain uza iha desportu. |
| Kuantidade * | <i>substantivu:</i> Sasán ka ema hira loos. SIN. Mahirak. |

| | |
|---|--|
| Kuantitativu * Kuantitativa f. | <i>adjetivu:</i> Kona-ba kuantidade |
| Kumulativu | <i>adjetivu:</i> Ne'ebé halo ka hala'o liuhosi akumulasaun ka habou. |
| Kustu * | <i>substantivu:</i> Osan ne'ebé ita gasta hodi hola buat ruma. |
| Lalemok * | <i>substantivu:</i> Hahalok lemo nian. SIN. hakla'ok, lemo-rai. |
| Lejitimidade * | <i>substantivu:</i> Kualidade buat ka ema ne'ebé lejítimu. |
| Limitadu | <i>adjetivu:</i> 1. Ne'ebé iha limitasaun. 2. Ne'ebé la liu limite ida. |
| Limite * | <i>substantivu:</i> 1. Ai-riin ka liña ida ne'ebé fahe rai rua. SIN. Rai-ketan, baliza. 2. Ketan ka liña ida ne'ebé ita la bele hakat liu, ka bandu ema seluk atu hakat liu. SIN. Kladik. |
| Literalmente * | <i>advérbiu:</i> Ez. Ha'u tradús testu ne'e literalmente, katak tuir loloos signifíkadu ka sentidu. |
| Lójiku | <i>adjetivu:</i> Ne'ebé fó razaun tuir faktu duni, tuir hanoin loloos, matenek no hanoin di'ak. |
| Lojístiku | <i>adjetivu:</i> Ne'ebé refere ba lójika. 2. Ema ne'ebé hala'o servisu kona-ba lojístika. |
| Longuprazu | <i>substantivu:</i> Ba tempu naruk. |
| Lonjevidade | <i>substantivu f.:</i> Ne'ebé moris ka dura naruk. |
| Luxu | <i>substantivu:</i> Buat furak no karun tebetebes ne'ebé fó satisfasaun ka laran-haksolok. |
| Mahorik * | Ema ne'ebé horik. SIN. Abitante. |
| Mahuluk * | <i>adjetivu:</i> Ne'ebé uluk liu hotu. SIN. Prinsipál. |
| Maklitik * | <i>adjetivu:</i> Ne'ebé litik. SIN. Insistente <i>substantivu:</i> Ema ne'ebé litik. |
| Makratan * | <i>substantivu:</i> Ema ne'ebé ratan. SIN. Atakante, asaltante. |
| Makte'in * | <i>adjetivu:</i> Nee'ebé te'in. SIN. te'in-na'in, koziñeiru <i>substantivu:</i> Ema ne'ebé te'in. |
| Mamoos * | <i>adjetivu:</i> Ne'ebé hamoos. <i>substantivu:</i> Ema ne'ebé hamoos. SIN. Hamoos-na'in. |
| Mamosuk (1) * | <i>substantivu:</i> 1. Hahalok mosu nian. 2. Hahalok mosu ka akontese nian, buat ne'ebé mosu ka akontese. |
| Mamosuk (2) | <i>substantivu:</i> Ema ne'ebé hamosu. SIN. Hamosudór, produtór. |
| Manutensaun * | <i>substantivu:</i> Hahalok ka efeitu mantein nian. |
| Mapeamentu | <i>substantivu:</i> Hahalok ka efeitu halo mapa. |
| Masimiza | <i>verbu:</i> 1. Fó valór boot liu belek (ba faktu ka ideia ida). 2. Lori to nivel aas liu. |
| Maundobra * | <i>substantivu:</i> Serbisu ne'ebé traballadór sira mak halo. |

| | |
|-----------------------|---|
| Mensál | <i>adjetivu:</i> 1. Ne'ebé relasiona ba fulan (tempu). 2. Ne'ebé akontese dala ida fulan ida. 3. Ne'ebé dura fulan ida. |
| Méritu * | <i>substantivu:</i> SIN. Saso'ik. |
| Merkadorias * | <i>substantivu:</i> Sasán sira ne'ebé atu fa'an iha merkadu ka fatin seluk. |
| Mobilidade | <i>substantivu:</i> 1. Karakterístika buat ne'ebé movel. 2. Fasilidade atu muda bá-mai. 3. Fasilidade atu troka espresaun. |
| Multilinge | <i>adjetivu:</i> 1. Ne'ebé iha lian barak. 2. Ne'ebé ko'alia lian barak. |
| Múltipla | <i>adjetivu:</i> Ne'ebé la'ós úniku ka mesak; ne'ebé inklui elementu barak liu ida. |
| Nakfati * | <i>verbu:</i> Tuur iha fatin ida de'it. Liafuan ida-ne'e bainbain refere ba rai, foho, sidade ka knua ida nia tatuur ka pozisaun. |
| Narrativa * | <i>substantivu:</i> Kontu ka haktuir kona-ba akontesimentu ruma. |
| Negoseia * | <i>verbu:</i> Ko'alia ho ema ka grupu ruma atu rezolve problema ruma ne'ebé iha. |
| Negosiante * | <i>substantivu:</i> Ema ne'ebé hala'o knaar fila-liman. SIN. Kontratu-na'in. |
| Negósiu * | <i>substantivu:</i> Hahalok fa'an no sosa nian. SIN. Kontratu, fila-liman. |
| Nomeadamente * | <i>advèrbiu:</i> Liafuan ne'ebé uza atu hato'o informasaun seluk tan ho detalhe. |
| Notavel | <i>adjetivu:</i> Ne'ebé merese ema atu nota ka fó atensaun bá. |
| Obviu | <i>adjetivu:</i> 1. Klaru. 2. Ne'ebé fasil atu komprende. |
| Okaziaun | <i>adjetivu:</i> 1. Tempu bainhira buat ruma akontese. SIN. Dala |
| Opsaun * | <i>substantivu:</i> Fafihir entre buat rua ka liu. |
| Orgullu * | <i>substantivu:</i> 1. Sentimentu satisfasaun nian bainhira ita ka ema be besik ita halo buat di'ak ka furak ruma. SIN. Laran-kmanek. 2. Sentimentu dignidade no respeito nian ba ita-nia an. 3. Sentimentu bainhira ema ida sente nia di'ak liu ema seluk. SIN. Laran- Bubu. |
| Parente * | <i>substantivu:</i> Ema ida ne'ebé besik ita tan fafutuk raan ka família nian. SIN. Maluk. |
| Parsiál | <i>adjetivu:</i> 1. Ne'ebé halo parte ba buat tomak ida. 2. Ne'ebé la tama ka la hatudu an tomak. 3. Ne'ebé favoravel ba parte ida hodi hatuun parte seluk. |
| Partilla | <i>verbu:</i> Hahalok ka efeitu fahe (pontudevista, sentimentu, hanoin, nst). |
| Perfil | <i>substantivu:</i> Llas ka pintura kona-ba ema nia oin ne'ebé haree hosi sorin de'it. |
| Peritu * | <i>substantivu/adjetivu:</i> (Ema) Ne'ebé soi perísia. SIN. Especialista. |
| Perita f. | |
| Permisaun * | <i>substantivu:</i> Faforuk ka liberdade ne'ebé ita hetan ka simu atu halo buat ida. SIN. Lisensa. |
| Permite | <i>adjetivu:</i> Fó lisensa, fó ka husik halo ka sai. |

| | |
|------------------------|--|
| Perpetradór | <i>adjetivu/substantivu:</i> Buat ka ema ne'ebé halo buat ruma; autór ba hahalok ruma (liuliu hahalok aat). |
| Persesaun | <i>substantivu:</i> 1. Hahalok ha efeitu komprende nian. 2. Koñesimentu kona-ba buat ka akontesimentu sira ne'ebé hale'u ita. |
| Perspetiva * | <i>substantivu:</i> 1. Hahalok haree dalam ida ba tempu oin ne'ebé atu mai. 2. Dalam ida hodi haree ka ko'alia kona-ba buat ruma. SIN. Hareen. |
| Plataforma | <i>substantivu:</i> 1. Estrutura kalatan maizumenus aas. 2. (<i>Arti figuradu</i>) Ideia ka proposta lubuk ida ne'ebé hamutuk konstitui baze ba polítika ka pozisaun ida komún. |
| Pobreza | <i>adjetivu:</i> Moris ki'ak, laiha osan atu hodi hatán nia presiza loroloron-nian. SIN. kakiak, mamukit. |
| Pontudepartida* | <i>substantivu:</i> Fatin hahú nian ka fatin ida ne'ebé ema uza hanesan fatin atu hahú buat ruma. |
| Poténsia | <i>substantivu:</i> 1. Kualidade ba buat ka ema ne'ebé iha podér. 2. Kapasidade atu fornese enerjia. 3. (Iha filozofia) Karakter kona-ba buat ne'ebé bele halo maibé seidauk halo ida. |
| Potensiál * | <i>adjetivu:</i> Ne'ebé posivel ka iha possibilidade ba futuro. <i>substantivu:</i> Kapasidade atu hetan susesu aban bainrua. |
| Predominante * | <i>adjetivu:</i> Ne'ebé bebeik liu, importante ka bele haree- hetan liu duké buat seluk iha ema-lubun ka sasán-lubun nia leet. |
| Preferénsia | <i>substantivu:</i> Hahalok ka efeitu prefere nian. |
| Preliminár * | <i>adjetivu:</i> Ne'ebé akontese uluk molok buat seluk ida hahú ka iha preparasaun ba ida-ne'e. |
| Permite | <i>adjetivu:</i> Fó lisensa, fó ka husik halo ka sai. |
| Presaun | <i>substantivu:</i> 1. Hahalok ida ne'ebé forte ka maka'as tebes ne'ebé ita sente katak dudu hela ita atu halo buat ida. 2. Forsa atmosfera nian ne'ebé dudu ba ita ema nia isin, maibé ita toman ona, no bainbain labele sente. Maibé se ema bá fatin aas hanesan Maubisi, ema bele sente presaun iha tilun laran. |
| Probabilidade | <i>substantivu:</i> Buat ne'ebé hali'is ba ida be loloos nian ka ida be bele akontese. |
| Propina | <i>substantivu:</i> Osan ne'ebé selu ba Estadu atu bele ba eskola. |
| Proporsaun | <i>substantivu:</i> Espresaun hosi armonia ne'ebé ita supoin iha entre objetu ida nia kualidade sira ho relasaun ba ninia dimensaun, tamañu, konfigurasaun no simetria. 2. Dimensaun, tamañu. |
| Razoável * | <i>adjetivu:</i> Ho razaun ne'ebé lójiku. |
| Reestrutur | <i>verbu:</i> 1. Harii estrutura foun. 2. Organiza filafali. |
| Refeitóriu * | <i>substantivu:</i> Sala-jantár iha konventu ka mosteíru laran.; sala ida iha ne'ebé serve hahán-hemu hamutuk iha fatin hanesan eskola, fábrica, azilu sira, nst. |

| | |
|---------------------------------------|--|
| Rekizitu | <i>substantivu:</i> 1. Kondisaun nesesária atu bele konsege buat ida. 2. Ezijénsia legál ne'ebé presiza satisfás. |
| Rekolla | <i>substantivu:</i> 1. Hahalok ka efeitu halibur, tau hamutuk buat ruma. 2. Hahalok buka informasaun atu hala'o servisu ruma. |
| Rekolle | <i>verbu:</i> Atu halibur, tau hamutuk buat ruma. |
| Rekursu * | 1. Remédiu ba susar ka problema ruma. 2. Hahusuk ba ajuda ruma. 3. Hahusuk ba tribunál haree fali hakotun ka sentensa ida. SIN. Tamein. 4. Materiál ida ne'ebé serve hodi halo serbisu ruma ka hala'o projetu ruma. |
| Relativamente | <i>advérbiu:</i> 1. Ho maneira relative. 2. Ho relasaun ba. 3. Ho komparasaun ba. |
| Relevánsia * | <i>substantivu:</i> Kualidade kona-ba buat ne'ebé relevante; importánsia. |
| Relevante * | <i>adjetivu:</i> Ne'ebé kona loos ka presta. SIN. Konak. |
| Rendimentu | <i>substantivu:</i> 1. Reseita. 2. Lukru; proveitu. |
| Respetivamente | <i>advérbiu:</i> 1. Tuir ida-idak. 2. Tuir orden loos. |
| Respiratóriu | <i>adjetivu:</i> Ne'ebé relasiona ho respirasaun ka dada iis. |
| Rezulta | <i>verbu:</i> Hamosu rezultadu ida. |
| Rezultante | <i>adjetivu:</i> Ne'ebé rezulta. |
| Rituál | <i>substantivu:</i> Prátika lubuk ida ne'ebé konsagradu tuir nia uzu ka norma sira no ne'ebé tenke hala'o iha okaziaun balu; serimoníal. |
| Rotativu | <i>adjetivu:</i> Ne'ebé relasiona ho rotasaun. |
| Rurál * | <i>adjetivu:</i> Foho nian, la'ós sidade nian. LIAFUAN SORUN: Urbanu. Nian, kotak. |
| Sasadik * | <i>substantivu:</i> Hahalok sadik nian. SIN. Dezafiu. |
| Sasobuk | <i>substantivu:</i> Hahalok sobu nian; destruisaun. |
| Saso'ik * | <i>substantivu:</i> Kondisaun so'i nian. SIN. Méritu; validade. |
| Satisfás * | <i>verbu:</i> Halo ema sente laran-hakmatek ka haksolok. SIN. Halo kontente. <i>substantivu:</i> Hahalok sadik nian. SIN. Desafiu. |
| Sazonál | <i>adjetivu:</i> 1. Ne'ebé relasiona ba tinan nia estasaun ida. 2. Ne'ebé liuliu akontese iha tinan nia estasaun ida. 3. Ne'ebé akontese ho tempu nia leet regulár. |
| Série | <i>substantivu:</i> 1. Buat lubuk ida ne'ebé mosu mai tuituir malu 2. Sekuénsia laho interrupsaun. |
| Seriedade * | <i>substantivu:</i> Kualidade buat ne'ebé sériu. |
| Simétriku | <i>adjetivu:</i> Ne'ebé sorin ida hanesan loos sorin seluk. |
| Simplisidade * | <i>substantivu:</i> Kualidade simples nian. |
| Sinseru * Sinsera f. | <i>adjetivu:</i> (Ema) Ne'ebé hato'o loloos buat ne'ebé nia hanoin ka sente. |

| | |
|---|--|
| Sínteze | <i>substantivu:</i> Rezumu. |
| Sirkulasaun | <i>substantivu:</i> 1. Movimentu sirkulár ka le'uk. 2. Movimentu been nutritivu iha buat moris sira-nia isin laran (Ez. sirkulasaun raan). 3. (Ekonomia) Movimentu sasán, produktu ka osan. 4. Movimentu veikulu lubuk bá-mai. |
| Sirkunstansiál * | <i>adjetivu:</i> Ne'ebé hatudu sirkunstánsia iha ne'ebé asaun ida la'o. |
| Sirkunstánsia * | <i>substantivu:</i> Kondisaun sira ne'ebé hamkona buat sira ne'ebé akontese. SIN. Lale'uk. |
| Sofistikadu * Sofistikada f. | <i>adjetivu:</i> 1.(Ema) Ne'bé avansadu kona-ba kultura ka matenek. LIAFUAN-SORUN: Simples. 2. (Ema) Ne'ebé avansadu maibé ladún naturál, ho maneira artifisiál ka snobe uitoan. |
| Subjetiva~ subjétivu * | <i>adjetivu:</i> Kona liu ba ema ida nia haree ka tuir oinsá nia sente ka nia hanoin, ladún hateke ba realidade. LIAFUAN-SORUN: Objetivu. |
| Subsisténsia | <i>substantivu:</i> Meius lubun ida ne'ebé presiza ba ema nia moris (Ez. <i>Agrikultura subsisténsia</i> katak atividade kuda-rai ne'ebé prodús natoon de'it atu satisfás ema nia presiza ba sira-nia moris). |
| Substansiál * | <i>adjetivu:</i> 1. Ne'ebé iha isin ka substánsia. 2. Ne'ebé boot, importante ka merese ita-nia atensaun. |
| Substitui | <i>verbu:</i> Hatama buat ka ema ida ba buat ka ema seluk nia fatin. |
| Sujetivu * Sujetiva f. | <i>adjetivu:</i> 1. Ne'ebé sujere. 2. Ne'ebé halo ita hanoin ka refleto. |
| Suplementár * | <i>substantivu:</i> Ne'ebé serve nu'udar suplementu. |
| Supozisaun * | <i>substantivu:</i> 1. Hahalok ka efeitu supoin nian. 2. Ipóteze. |
| Surpreza * | <i>substantivu:</i> 1. Mamosuk ka akontesimentu ida ne'ebé ema la hein ka la espera. 2. Admirasaun ne'ebé ita sente bainhira buat ruma akontese tekitekir ka derrepente de'it. |
| Sustentabilidade | <i>substantivu:</i> Liafuan ne'e mosu mai hosi termu orijinál 'dezenvolvimentu sustentavel' hanesan konseitu ida ne'ebé relasiona ho continuidade ba sociedade umana nia aspetu ekonómiku, sosiál, kulturál no ambiente nian sira. Ho liafuan simples, sustentabilidade katak maneira oinsá halo buat ne'ebé di'ak liu ba ema no mós ba ambiente iha tempu ohin no iha futuru. Tuir 'Relatóriu Brundtland' (1987) sustentabilidade katak "atu satisfás nesiedade jersaun loron ohin nian maibé la afeta jersaun futura sira-nia abilidade atu satisfás sira-nia nesiedade"(Wikipedia). |
| Sustentavel | <i>adjetivu:</i> Buat ne'ebé ita bele mantein, defende ka tuir. |
| Tanesan | <i>verbu:</i> SIN. Kompara. |
| Tatadak * | <i>substantivu:</i> Hahalok tada ka rekoñese nian. SIN. Rekoñesimentu. |
| Tateran * | <i>substantivu:</i> SIN. Ameasa. |
| Tatesak * | <i>substantivu:</i> 1. Hahalok tesa nian. 2. Obrigasaun atu hatán kona-ba lia ruma. SIN. Responsabilidade. |

| | |
|---|--|
| Tendénsia * | <i>substantivu:</i> Hahalok ka atitude bainbain nian ne'ebé ema ka buat nia natureza mak hamosu. SIN. Hali'is. |
| Termus * | <i>substantivu:</i> Frasku ka botir ne'ebé it uza atu rai bee manas, liuliu bainhira ita halo viajen iha karreta. |
| Territoriál * | <i>adjetivu:</i> Ne'ebé refere ba territóriu. |
| Territóriu * | <i>substantivu:</i> Rai nanahek ida ne'ebé nasaun ida okupa ka kontrola. |
| Tranzmisaun | <i>substantivu:</i> 1. Hahalok ka efeitu tranzmite nian. 2. Hahalok fó ka transfere. |
| Trexu | <i>substantivu:</i> Parte badak hosi testu, livru ka obra muzikál ida. |
| Tusi | <i>verbu:</i> Tau tan hahirak ka kuantidade ida; halo adisaun SIN. Aumenta. <i>substantivu:</i> (Tatusik) 1. Hahalok tusi nian. 2. Buat ne'ebé ita tusi ka tau tan. SIN. Adisaun. |
| Unánime | <i>adjetivu:</i> 1. Ne'ebé iha akordu ema hotu-hotu nian. 2. Relativu ba hotu-hotu; laho exesaun. <i>advérbiu:</i> Ho akordu komún ka hotu-hotu nian. |
| Uniforme | <i>adjetivu:</i> Ho forma ka mamosuk ida de'it; hanesan de'it. <i>substantivu:</i> Roupá ne'ebé ema ida hatais hodi hatudu katak nia pertense ba grupu ida. SIN. Farda. |
| Urbanu ~ urbana | <i>adjetivu:</i> 1. Sidade nian, kona-ba sidade SIN. Kotak. 2. Ne'ebé matenek no laran-murak. |
| Util * | <i>adjetivu:</i> 1. Ne'ebé folin ka la saugati; ne'ebé serve; ne'ebé ita bele uza. 2. (Loron) Serbisu nian, la'ós feriadu. |
| Vaga * | <i>substantivu:</i> Fatin ka oportunidade ba ema atu bele tama atu uza ka serbisu |
| Vantajen * | <i>substantivu:</i> 1. Buat ne'ebé fó di'ak no ajuda. SIN. kadi'ak 2. Buat ne'ebé bele fó susesu liuliu iha kompetisaun. |
| Vantajozu * Vantajozá f. | <i>adjetivu:</i> Ne'ebé fó di'ak. |
| Variasau * | <i>substantivu:</i> 1. Hahalok ka efeitu varia nian. 2. Mudansa; modifikasaun. 3. Variante. |
| Variedade * | <i>substantivu:</i> Oin ka forma ne'ebé seluk uitoan, la hanesan sira seluk. |
| Variavel | <i>adjetivu:</i> Ne'ebé varia ka bele varia. |
| Ventilasaun * | <i>substantivu:</i> Ár ka anin nia la'o-nakdulas iha fatin ida hanesan uma laran. |
| Verbál * | <i>adjetivu:</i> Ne'ebé hato'o liuhosi ko'alia la'ós ho hakerek. |
| Versatilidade * | <i>substantivu:</i> Kualidade versatil nian. |
| Versaun * | <i>substantivu:</i> 1. Forma ida ne'ebé la hanesan ida seluk ka ida ne'ebé seluk. 2. Ema ida nia haktuir ka deskrisaun kona-ba mamosuk ka akontesimentu ida. |

| | |
|------------------------|--|
| Vizibilidade * | <i>substantivu:</i> Kualidade ka estadu ne'ebé vizivel ka haree-belek. |
| Vizuál * | <i>adjetivu:</i> 1. Kona-ba haree ka matan. 2. Ne'ebé ita bele haree. |
| Vulnerabilidade | <i>substantivu:</i> Kualidade kona-ba vulneravel. |
| Vulnerável | <i>adjetivu:</i> Ne'ebé bele hetan kanek tanba laiha protesaun. Hakanek-belek. |